

活人慈航

甘肅中醫學院  
藏書

九



雜症集略 卷四

裸腋卷莊  
四集



# 義理學



南京中医药大学图书馆版权所有  
1951

家藏袖珍活人慈航雜症集腋卷四目錄

面 面熱 面寒 面腫 雀斑 黟黑點黯

黑志 白屑風 油風 肺風粉刺

腮頰 耳聾 耳鳴 耳腫 耳癢 鱗入耳

耳膜汗 耳疔 耳劙 耳疔 耳瘡

鼻 鼻塞 鼻鼽 鼻淵 鼻痔 鼻瘡 鼻疔

酒皶 鼻疳膿

頭痛 雷頭風 眉陵骨痛 頭風屑 面痛

大頭痛 眩運 頭搖 頭項強痛

肩背痛 臂痛 腰痛 腰軟 腰胯痛 脊痛

尻痛

腿痛 眇痛 足跟 足心 身體痛

瘧疾

自汗盜汗 頭汗 半片汗

黃疸

煩躁譖言 驚悸健忘 緇衣摸床 喜笑 怒

怔忡 恐 失志

不寐 多臥

不能食

癲狂癇

內癰 肺癰 腸癰 胃癰 脾癰 肝癰 腎癰

心癰 三焦癰

大麻風 烏白癩 瘦身搔癢

脫蟲



南京中醫藥大學  
1951

家藏袖珍活人慈航第肆卷

義集下

福建汀州府長汀縣監生鄭  
諱玉成字紹宗號直方纂輯

邑庠生男汝恭謹鈔

雜症集腋卷四

面

內經五官者五臟之閥也脈出於氣口色見於明堂五官以辨闕庭必張乃立明堂明堂廣大蕃蔽見外方壁高基引垂居外五色乃治平博廣大壽中百歲鼻者肺之官也目者肝之官也口脣者脾之官也舌者心之官也耳者腎之官也肺病者喘急鼻張肝病者瞖青脾病者脣黃心病者舌卷短顴赤腎病者顴與頰黑五官不辨闕庭不張小其明堂蕃蔽不見又婢其牆牆下無基垂角去外如



是者雖平常殆況加病哉 明堂者鼻也 關者眉間也 庭  
者額也 蕃者頰側也 蔽者耳門也 其間欲方大去之十步  
皆見於外 如者是壽中百歲 青黑為痛 黄赤為熱 白為  
寒 是謂五色 赤色出額大如母指者 痘雖小愈必卒死  
黑色出於庭 大如母指必不病而卒死 以五色命臟青  
為肝 赤為心 白為肺 黄為脾 黑為腎 肝合筋 心合脈 肺合  
皮 脾合肉 腎合骨也 凡相五色之奇脉 面黃目青 面黃  
目赤 面黃目黑 面黑目白 面赤目青皆不死也 面青目赤面赤目  
白 六十五終其血氣者上於面而走空竅 其精陽氣上走  
於目而為睛 其別氣走於耳而為聽 其宗氣上出於鼻而  
為臭 其清氣上於口而為味 其氣之津液皆上燭  
於面而皮之厚薄為生死之寒不脫勝之也

邪之中人高也身半已上者邪中之也身半已下者溼中之也諸陽之會皆在於面中人也方乘虛時及新用力若欲食汗出腠理開而中於邪中於面則下陽明中於項則下太陽中於頰則下少陽其中於膺背兩脇亦中其經面熱者足陽明病

葉氏曰手足六陽之經皆上至於頭而唯胃陽明脉起鼻交額中入上齒中挾口環脣循頰車上耳前過客主人故人之面部陽明之所屬也其或胃中有熱則面熱宜升麻湯加黃連胃中有寒則面寒宜升麻湯加附子若風熱內甚而上攻令人面目浮腫或面鼻紫色或風刺癰瘍隨其症而治李氏云風邪入皮膚痰飲漬藏府則面黑黯脾應見於面肺應皮毛二經風溼搏而溼熱故面生瘡面腫屬風宜羌活防風升麻白芷牛子之屬外用杏仁研膏敷

之 面寒面熱丹溪云面熱火氣因鬱熱而寒屬胃虛東垣云飲食不節則胃病氣短精神少而生大熱有時而火上行獨燎其面 仲師效逆停息不得卧面熱如醉此為胃熱上衝熏其面茯苓桂枝五味子甘草湯加大黃以利之 面青難經云肝外症面青善潔善怒 面塵運氣而塵有二一曰燥金制肝治以溼劑二曰火治以寒劑 面赤難經云心外症面赤口乾善笑東垣云面赤為邪氣怫鬱於表在經宜表不宜下 仲師云下利脉沈而遲其人面赤身有微熱下利清穀者以鬱冒汗出而解此面赤亦表而解也 運氣面赤皆胃寒治以熱劑 治面赤用黃藥四兩人乳浸拌勺晒乾為末茶下有奇效 面黃難經云脾外症面黃善噫善思善味治見黃疸門 面白難經云肺外症面白善嘔悲愁不樂欲哭 血脫者色白

不澤其脈空虛 肺病面白不悅則為脫氣脫血脫津脫液脫精脫神宜巴戟丸 脉緊者寒也或面白善嚏或面色惡皆寒也以羌活防風甘草藁本四味瀉足太陽少加附子以通其脉面色惡懼恐者更加桂附 太陽終者戴眼反折瘡癰其色白絕汗出 少陽終者耳聾有節皆縱目寰絕系其色青白 面黑難經云腎外症面黑善恐欠 羅謙甫治一婦三十憂思不已飲食失節脾胃有傷面色黧黑不澤環脣尤甚心懸如饑狀不欲食氣短而促以冲和順氣湯數服而愈 孫兆治一人滿面黑色相者斷其必死診曰疰病也因感非常臭氣而得薰以沈檀旬日如故 少陰終者面黑齒長而垢腹脹閉 太陰終者腹脹閉不得息善噫嘔逆則面赤不逆則面黑皮毛黑面上豆痕或斑點黧蜜陀僧細末夜以乳汁調敷有效 指



爪破面用生薑汁調輕粉傅破處更無瘢痕

筱山

面部陽明之所屬胃中有熱則面熱宜升麻湯加黃連胃中  
有寒則面寒宜升麻湯加附子

若風熱上或面腫或色紫或風刺癰疹并宜消風散加減  
面生小瘡屬風熱宜防風通聖散

雀斑生於面上其色淡黃碎點無數由火鬱絲絡血分風邪  
外搏發為雀斑宜常服犀角丸并治一切粉刺酒刺點黷  
麝子等外用正容散早晚洗之久久自愈亦有水虧火滯  
而生雀斑者宜常服六味地黃丸

黎黑點黷又名黎黑斑初起色如塵垢日久黑似煤形枯暗  
不澤大小不一小者如粟粒赤豆大者似蓮子芡實或長  
或斜或圓與皮膚相平由憂思抑鬱血弱不華火燥結滯  
而生於面上婦女多有之宜三容散早晚洗之久久漸退



戒動火之物內宜服犀角丸

黑痣生於面部形如衛點小者如粟大者如豆比皮膚高起  
一線有自幼生者亦有中年生者由絲絡之血滯於衛分  
陽氣束結而成宜針挑破用石灰調臙水以糯米浸在石  
灰上一日一夜搗點痣上不可太過恐傷好肉愈後無痕  
按黎黑點贊甚者亦用此法外治不必挑破亦效

白屑風生於髮內延及面目耳項燥癢日久飛起白屑脫去  
又生由肌熱當風邪侵入毛孔鬱久血燥肌膚失養化  
成燥症宜服祛風換肌丸外用油煎紫草一錢去渣入黃  
蠟五錢熔化成膏擦之

油風毛髮乾焦成片落脫皮紅光亮癢如虫行俗名鬼剃頭  
由毛孔開張風邪乘虛襲入以致風甚血燥不能榮養毛  
髮宜服養真丹外洗艾葉菊花蓼本涼子防風荆芥薄荷

藿香甘松各二錢煎四五碗先薰後洗日三四次避風

肺風粉刺生於面鼻起碎疣瘡如黍屑色赤腫痛破出自粉  
汁日久皆成白屑形如黍米白屑此肺經血熱而成宜服

枇杷葉桑皮黃芩生地梔子連翹紫草甘草外用大黃硫

黃涼水敷

頤頬

頰卽面旁 左頰屬肝右頰屬肺左肝右肺故也

頤俗呼顴骨 頤卽頰頤 頤卽頤領 頤側卽蕃也

頤 頤 頤 頤 腮卽頤 俗作腮非

丹溪治兩頤熱腫膈壅之病也用乾葛桔梗錢半升麻薄荷  
一錢炙甘七分蘇葉錢半生薑一片 東垣云咽痛領腫  
脉洪大面赤者羌活勝瀆湯加黃芩桔梗甘草各半錢  
耳鳴目黃頤領腫頭肩鷄肘臂外發瘡瘍面赤脉洪大者

以羌活防風甘草藁本通其經血加黃連黃芩消其腫以  
人參黃芪益其元氣而瀉其火邪 二頤腫用牙痛門清  
胃散屢效外敷金黃散又名痄頤 腮車蹉但開不能合  
以酒飲醉睡中吹皂角末搐其鼻嚏透即自止 或口哈  
烏梅一箇立效

### 耳聾

準繩有稟賦而聾者腎精不足腎氣有餘其耳則聾或其人  
瘦黑筋骨健壯此精氣俱足固藏閉塞亦耳聾乃高壽之  
相也或其人五十而耳聾氣血漸衰應有目耳不聰也此  
三者皆勿治唯暴聾之病與陰陽隔絕之未感經脉欲行  
而未通耳中嘈嘈風雨之聲者則可隨症而治

耳聾皆屬於熱通聖散滾痰丸 氣逆耳聾耳內焞焞渾渾  
宜復元通氣散及四物湯送下蘆薈丸以降火 耳聾面

頰黑者為精脫腎虛宜加減八味丸外并用導氣通耳  
錠

耳鳴 王汝言云耳或鳴甚如蟬或左或右或時閉塞世人多作腎虛治不效不知此痰火上升鬱於耳中而為鳴鬱甚則壅閉矣若遇此症但審平昔飲酒厚味上焦素有痰少只作清痰降火治之大抵此症多先有痰火在上又感惱怒而得惱則氣上少陽之火客於耳也若腎虛而鳴者其鳴不甚其人多慾則當補腎 丹溪云耳鳴因酒過者通聖散加柴胡枳殼不愈宜四物湯

耳腫痛屬少陽相火治宜小柴胡湯加梔子 耳溼腫痛宜涼膈散加防風荆芥羌活外用木別子仁磨水敷滴入耳內亦可

耳癢癢極不止者是腎虛有風也宜透水丹

蟲入耳中不時作痛用猫尿滴入耳內最速法用生薑擦猫  
鼻其尿自出取尿滴耳中其蟲自出 或用口氣以竹筒  
透入耳內盡力吸出亦妙 或以火照之亦出

耳出膿汁耳內悶腫出膿汁名停耳由胃溼與肝火相兼而  
成宜柴胡清肝湯或龍膽瀉肝湯若出紅膿者四物湯加  
柴胡梔子丹皮外去淨膿汁以枯礬末吹入效

耳疔生於耳竅暗藏之處色黑根深如椒目疼如錐刺痛引  
顙腦破流血水此由腎經毒火所發或服丹石熱藥所致  
急服蟾蘇丸汗之蟾蘇丸調濃水滴入耳竅內神效再服  
黃連消毒飲黃連解毒湯

耳衄耳竅中時流鮮血由上焦血熱所致若肝脉弦數者以  
柴胡清肝湯腎脉虛數者知藥八味地黃湯外用神塞丸  
耳痔生於耳內形如桃如奶如茹如棗核細條而長努出耳

孔外此肝經怒火腎經相火胃經積火凝結而成宜梔子  
清肝散外用白降丹點之漸漸消化

耳瘡有生耳後縫側及耳摺上下如刀裂之狀色紅時津黃  
水此瘡月盈則盛月虧則衰又名月蝕瘡也此由膽脾二  
經溼熱所致外宜敷青蛤散耳門生瘡癢痛出汁亦宜敷  
青蛤散內俱服柴胡清肝散

### 鼻

鼻謂明堂受四方之朝貢頰中卽三根屬足陽明胃經督脈  
之會俗名鼻樑是也又屬足太陰脾脾主中土也又屬手  
太陰肺肺開竅於鼻也餘處無恙獨鼻尖色青黃者其  
人必為淋病也鼻尖色微白者亡血也鼻失色赤者血熱  
也鼻尖色黃者小便難也

鼻塞潔古云視聽明而清明涼香臭辨而溫暖故鼻塞皆是